

Broj: 02-33-7355/23
Sarajevo, 23.01.2024. godine

DOM NARODA
PARLAMENTA FEDERACIJE BIH
n/p Sekretara

DOM NARODA
PARLAMENTA FEDERACIJE BIH
N/p Iva Raguž, izaslanica

VLADA FEDERACIJE BIH
n/p Tajnika

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		26-01-2024	
Org. jed.	Broj	Priloga	Vrijednost
05/2	-02-	455	123

PREDMET: Odgovor na izaslaničko pitanje – dostavlja se

Veza: Akt Sekretara Doma naroda Parlamenta Federacije BiH broj: 02-0--455/23 od 04.12.2023.godine

Poštovana/i,

Federalno ministarstvo zdravstva zaprimilo je akt Sekretara Doma naroda Parlamenta Federacije BiH broj: 02-0--455/23 od 04.12.2023.godine, sa izaslaničkim pitanjem na koje se traži odgovor. Naime, gđa. Iva Raguž, uvažena izaslanica u Domu Naroda Parlamenta Federacije Bosne i Hercegovine, na temelju članka 104. Poslovnika o radu Doma naroda Federacije Bosne i Hercegovine postavila je, u pisanoj formi, izaslaničko pitanje iz oblasti zdravstva. S tim u svezi, u privitku akta dostavljamo Vam odgovor Federalnog ministarstva zdravstva.

S poštovanjem,

PRILOG:
- Kao u tekstu

MINISTAR

Dr. Nediljko Rimac

**ODGOVOR
NA IZASLANIČKO PITANJE IVE RAGUŽ
IZASLANICE U DOMU NARODA
PARLAMENTA FEDERACIJE BOSNE I HERCEGOVINE**

Iva Raguž, izaslanica u Domu Naroda Parlamenta Federacije Bosne i Hercegovine, na temelju članka 104. Poslovnika o radu Doma naroda Federacije Bosne i Hercegovine postavila je u pisanoj formi izaslaničko pitanje:

„Federalnom ministarstvu zdravstva o izmjenama Naredbe o standardima i normativima zdravstvene zaštite iz obveznog zdravstvenog osiguranja u Federaciji BiH, kojom bi se povećao broj radnih timova stručnjaka za rani rasti i razvoj pri ustanovama primarne zdravstvene zaštite, odnosno domovima zdravlja“.

Na postavljeno izaslaničko pitanje Federalno ministarstvo zdravstva daje sljedeći

ODGOVOR

Naredbom o standardima i normativima zdravstvene zaštite iz obveznog zdravstvenog osiguranja u Federaciji Bosne i Hercegovine („Službene novine Federacije BiH“, br. 82/14, 107/14 i 58/18) utvrđuju se standardi i normativi zdravstvene zaštite iz obveznog zdravstvenog osiguranja, koji čine zdravstveni standard u Federaciji Bosne i Hercegovine, a koji se pod jednakim uvjetima osigurava svim osiguranim osobama.

Ističemo da spomenuti standardi i normativi predstavljaju jedan od elemenata za utvrđivanje programa zdravstvene zaštite iz obveznog zdravstvenog osiguranja i temelj su ugovaranja zavoda zdravstvenog osiguranja kantona sa zdravstvenim ustanovama, a sukladno točki XV citiranog propisa.

Slijedom točke XVb. navedene Naredbe praćenje primjene standarda i normativa zdravstvene zaštite, kao i nomenklature usluga zdravstvene zaštite osigurava se putem Stručnog povjerenstva koje formira federalni ministar zdravstva posebnim rješenjem, a koje u svom radu surađuje sa zdravstvenim ustanovama, zdravstvenim profesionalcima, komorama u zdravstvu, stručnim udrugama, zavodima zdravstvenoga osiguranja i drugim subjektima u sektoru zdravstva. Spomenuto stručno povjerenstvo najmanje jednom godišnje revidira standarde i normative zdravstvene zaštite, kao i nomenklaturu usluga zdravstvene zaštite utvrđene ovom naredbom.

Nadalje, citiranom Naredbom definira se, između ostalog i, standard i normativ centra za rani rast i razvoj, na primarnoj razini zdravstvene zaštite. Naime, podršku ranom rastu i razvoju, te ranoj intervenciji kod uočenih problema osigurava jedan radni tim Centra za rani rast i razvoj na 120.000 osiguranika ukupne populacije, u sljedećem sastavu: medicinska sestra/tehničar sa završenim prvim ciklusom VSS ili VŠS VI stepen; psiholog drugi ciklus VSS ili VSS VII stepen; logoped drugi ciklus VSS ili VSS VII stepen; medicinska sestra/tehničar SSS; okupacioni terapeut sa završenim prvim ciklusom VSS ili VŠS VI stepen. Ovaj centar se osniva za područje kantona, u pravilu, u okviru najvećeg doma zdravlja na području kantona. Ukoliko kanton ima toliki broj osiguranih lica da je potrebno više od jednog tima, može se organizirati i više od jednog centra pri čemu se centar osniva u jednom mjestu, ali za korisnike iz više susjednih općina. Prilikom odabira sjedišta nekog od satelitskih centara potrebno je voditi računa o veličini tog doma zdravlja kao i razvijenosti službe za zdravstvenu zaštitu djece u dobi do 6 godina.

Naglašavamo da je u okviru zdravstvene zaštite predškolske djece obvezno u svakom kantonu organizirati rad najmanje jednog tima za imunizaciju i jednog tima za rani rast i razvoj, a kako je to utvrđeno točkom IV spomenute Naredbe.

Također, ističemo da se člankom 13. Zakona o zdravstvenoj zaštiti („Službene novine Federacije BiH”, broj 46/10 i 75/13) regulira društvena briga za zdravlje na razini kantona, koja obuhvata mjere za osiguranje i provođenje zdravstvene zaštite od interesa za građane na području kantona. Suglasno citiranom članku 13. Zakona, kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova - prostora, medicinske i nemedicinske opreme i prijevoznih sredstava, te informatizaciju zdravstvene djelatnosti, sukladno planu i programu mjera zdravstvene zaštite za područje kantona koji utvrđuje vlada kantona, na prijedlog kantonalnoga ministra. Odluku o mjerilima za osiguranje elemenata standarda za spomenuto investicijsko ulaganje i investicijsko i tekuće održavanje te informatizaciju zdravstvene djelatnosti, koja će biti temelj za planiranje potpora iz kantonalnoga proračuna, jednom godišnje donosi vlada kantona, uz usuglašen prijedlog kantonalnoga ministra i kantonalnoga ministra financija. Kanton osigurava sredstva za ostvarivanje društvene brige za zdravlje iz stavka 1. ovoga članka u proračunu kantona sukladno zakonu. Kanton može donijeti posebne programe zdravstvene zaštite za pojedine kategorije stanovništva, odnosno vrste bolesti koje su specifične za kanton, a za koje nije donijet poseban program zdravstvene zaštite na federalnoj razini, sukladno svojim mogućnostima, te utvrditi cijene tih pojedinačnih usluga, odnosno programa.

Imajući u vidu plan rada Federalnog ministarstva zdravstva za tekuću godinu, ovo ministarstvo je pripremio, između ostalog i prijedlog nomenklature usluga u oblasti ranog rasta i razvoja, koji će biti dostavljeni gore navedenom Stručnom povjerenstvu na razmatranje. Prioritet u radu spomenutog povjerenstva u prvom kvartalu ove godine biti će revizija standarda i normativa, kao i nomenklature usluga u primarnoj zdravstvenoj zaštiti, što uključuju između ostalog i Centra za rani rast i razvoj.

Naglašavamo da je jačanje kapaciteta u oblasti Ranog rasta i razvoja djece je jedan od prioriteta Strategije razvoja Federacije BiH 2021-2027 godina, a unapređenje kvaliteta usluga ranog prepoznavanja i rane intervencije kroz formiranje i širenje Centara za rani rast i razvoj pri domovima zdravlja u Federaciji BiH, je jedan od strateških ciljeva Strateškog plana za unapređenje ranog rasta i razvoja djece u Federaciji Bosne i Hercegovine 2020-2025. godina., a samim tim je i opredjeljenje ovog ministarstva

Stoga je Federalno ministarstvo zdravstva zajedno sa Zavodom za javno zdravstvo FBiH provelo aktivnosti vezane za procjenu trenutnog stanja u vezi pružanja usluga u oblasti ranog rasta i razvoja djece, načina organizacije pružanja tih usluga, kao i raspoloživim resursima u ovoj oblasti na razini primarne zdravstvene zaštite na području Federacije Bosne i Hercegovine. Cilj situacione analize bio je prikupiti podatke o trenutnom stanju resursa u oblasti ranog rasta i razvoja u domovima zdravlja u Federaciji BiH, neophodnih za planiranje unapređenja resursa u ovoj oblasti. Kao jedan od rezultata te analize je i podatak da samo 13 domova zdravlja u Federaciji BiH ima djelomično organiziran Centar za rani rast i razvoj, te da u domovima zdravlja najviše nedostaju logopedi kao i psiholozi i okupacini terapeuti. Ključne preporuke proizašle iz ovog istraživanja se odnose na neophodnost jačanja postojećih i dalje organiziranje i širenje Centara za rani rast i razvoj u domovima zdravlja u F BiH, kao i provođenje dodatne obuke iz ove oblasti, te bolje planiranje ljudskih resursa neophodnih za pružanje kvalitetnijih usluga što bliže djetetu i njegovoj obitelji

S tim u svezi, ovo ministarstvo je donjelo novi Pravilnik o dodatnoj edukaciji iz ranog prepoznavanja odstupanja od zdravog rasta i razvoja i osnova intervencije za djecu do polaska u školu. Čime su stečeni preduvjeti provedbe formalno organizirane kontinuirane profesionalne edukacije iz ove oblasti, prvenstveno za multidisciplinarnu

timove koji rade u Centrima za rani rast i razvoj, ali i za ostale zdravstvene djelatnike, suradnike i srodne profesionalce koji se bave ranim rastom i razvojem djeteta. Primjena ovih programa će ojačati kompetencije profesionalaca i pomoći u jačanju kapaciteta za rano prepoznavanje, kapaciteta za osnove intervencije u lokalnim zajednicama gdje žive obitelji s djecom u potrebi za ovim uslugama, kao i jačanju kapaciteta edukatora koji će imati ulogu u diseminaciji znanja i vještina iz ranog prepoznavanja i osnova rane intervencije, te samim tim omogućiti održivost ovog novog modela pružanja usluga rane detekcije i osnova intervencije u lokalnim zajednicama.

Značajno je istaći da je Federalno ministarstvo zdravstva otvorilo dijalog sa UNICEFom kao međunarodnim partnerom, za podršku jačanju kapaciteta u oblasti ranog rasta i razvoja. U narednom periodu fokus ove suradnje će biti koordinacija i praćenje unapređivanja kapaciteta u oblasti ranog rasta i razvoja, naročito unapređivanja vještina ranog prepoznavanja odstupanja od zdravog rasta i razvoja djeteta posebno djece do tri godine života, a zatim i jačanja vještina rane intervencije, kao i koordinacija sa kantonalnim ministarstvima zdravstva glede stvaranja preduvjeta za planiranje i otvaranje novih centara za rani rast i razvoj.